

Si<sub>2</sub> carta a<sub>2</sub>ca<sub>2</sub>jmo<sub>3</sub> San Pablo ne<sub>4</sub> dsa<sub>2</sub>  
**COLOSENSES**

Jmo<sub>5</sub> Pa<sub>4</sub> si<sub>2</sub> a<sub>2</sub>chein<sub>3</sub> ne<sub>4</sub> Guá'<sub>5</sub> i<sub>2</sub>chan<sub>2</sub> juig<sub>2</sub> Colosas  
 tē<sub>1</sub>lia'<sub>2</sub> 'ein<sub>54</sub> né'<sub>3</sub> 'má<sub>3</sub>

<sup>1</sup> Jniá'<sub>2</sub>, Pa<sub>4</sub>, ia<sub>1</sub> co<sub>2</sub>nē<sub>5</sub> 'nio<sub>3</sub> Diú'<sub>4</sub> bá'<sub>4</sub>, líng<sub>5</sub> jan<sub>2</sub> i<sub>2</sub>chen<sub>4</sub>  
 quián<sub>5</sub> Jesucristo. Co<sub>2</sub>lēs quiang'<sub>54</sub> rin'<sub>54</sub> jniog<sub>4</sub> Timoteo,  
<sup>2</sup> jmo<sub>23</sub> si<sub>2</sub> carta la<sub>2</sub> a<sub>2</sub>dsiang'<sub>54</sub> ne'<sub>54</sub> 'nia'<sub>2</sub> rin'<sub>54</sub> jniog<sub>4</sub>a  
 i<sub>2</sub>chang'<sub>2</sub> juig<sub>2</sub> Colosas, dsa<sub>2</sub> i<sub>2</sub>lé<sub>5</sub> 'í<sub>1</sub> i<sub>2</sub>jme<sub>2</sub>ti<sub>3</sub> ja<sub>1</sub>con<sub>2</sub> Cristo:

Jui<sub>1</sub>jme<sub>2</sub>gu'<sub>54</sub> bá'<sub>4</sub> Diú'<sub>4</sub> i<sub>2</sub>lín<sub>5</sub> Tia<sub>54</sub> quián<sub>2</sub>, jui<sub>1</sub>jmo<sub>12</sub> bá'<sub>4</sub>  
 'ag<sub>3</sub> tei<sub>4</sub> tion'<sub>54</sub> 'nia'<sub>2</sub>.

Mi<sub>5</sub> Pa<sub>4</sub> ne<sub>4</sub> Diú'<sub>4</sub> o<sub>4</sub>quió'<sub>4</sub> dsa<sub>2</sub> i<sub>2</sub>én<sub>2</sub>

<sup>3</sup> Cuē<sub>2</sub> jnia'<sub>54</sub> ti<sub>1</sub>'mag'<sub>4</sub> Diú'<sub>4</sub> Jmei<sub>2</sub> Jesucristo Te<sub>1</sub>gui'<sub>54</sub>  
 quián<sub>2</sub>, co<sub>2</sub>tan<sub>54</sub> bá'<sub>4</sub> mi<sub>2</sub> jnia'<sub>54</sub> ne<sub>54</sub> o<sub>4</sub>quián'<sub>2</sub> 'nia'<sub>2</sub>.

<sup>4</sup> Ia<sub>1</sub> ma<sub>2</sub>ca<sub>2</sub>rē<sub>3</sub>ne<sub>4</sub> bá'<sub>4</sub> jnia'<sub>54</sub> 'a<sub>2</sub> lia'<sub>2</sub> lé<sub>5</sub> a<sub>2</sub>'én'<sub>2</sub> 'nia'<sub>2</sub>  
 le<sub>3</sub>quió'<sub>5</sub> Cristo Jesús, 'a<sub>2</sub> lia'<sub>2</sub> lé<sub>5</sub> 'nió'<sub>3</sub> 'nia'<sub>2</sub> ca<sub>2</sub>le<sub>3</sub>jín<sub>3</sub>  
 i<sub>2</sub>ma<sub>2</sub>tén<sub>5</sub> le<sub>3</sub>quió'<sub>5</sub> Diú'<sub>4</sub>,\* <sup>5</sup> ia<sub>1</sub> cha<sub>2</sub> a<sub>2</sub>'ín<sub>2</sub> 'au'<sub>2</sub> 'nia'<sub>2</sub>  
 a<sub>2</sub>ma<sub>2</sub>rē<sub>2</sub>'ma<sub>4</sub> a<sub>2</sub>lé<sub>2</sub> quián'<sub>2</sub> 'nia'<sub>2</sub> guei'<sub>54</sub> i<sub>2</sub>juíg<sub>3</sub>, jág<sub>1</sub> dse<sub>3</sub>  
 a<sub>2</sub>tí<sub>5</sub> a<sub>2</sub>jme<sub>1</sub>ma<sub>2</sub>nei'<sub>2</sub> 'nia'<sub>2</sub> le<sub>2</sub>jñiá<sub>5</sub>, <sup>6</sup> a<sub>2</sub>jme<sub>1</sub>ma<sub>2</sub>dsióg<sub>3</sub>  
 ja<sub>1</sub>con'<sub>2</sub> 'nia'<sub>2</sub>. Ca<sub>2</sub>le<sub>2</sub>con<sub>2</sub> ta<sub>1</sub>caun<sub>2</sub> mi<sub>2</sub>güíg<sub>3</sub>, ma<sub>2</sub>léi<sub>4</sub>  
 ma<sub>2</sub>rē<sub>2</sub>rau<sub>2</sub> a<sub>2</sub>rē<sub>2</sub>'én<sub>2</sub> dsa<sub>2</sub>, le<sub>2</sub>jaun<sub>2</sub> qui<sub>2</sub>dsi<sub>2</sub>cón<sub>3</sub> jág<sub>1</sub>.  
 Lé<sub>2</sub> jui<sub>1</sub>lia'<sub>2</sub> ma<sub>2</sub>qui<sub>2</sub>ma<sub>2</sub>lēs quián'<sub>54</sub> 'nia'<sub>2</sub> ca<sub>2</sub>le<sub>3</sub> jmig<sub>4</sub>  
 jme<sub>1</sub>ca<sub>2</sub>nei'<sub>2</sub> 'nia'<sub>2</sub> jág<sub>1</sub> dse<sub>3</sub> a<sub>2</sub>lión<sub>2</sub> dsa<sub>2</sub>, jme<sub>1</sub>ca<sub>2</sub>rē<sub>3</sub>ñi'<sub>2</sub>  
 'au'<sub>2</sub> 'nia'<sub>2</sub> né<sub>3</sub>, 'a<sub>2</sub> lia'<sub>2</sub> lé<sub>5</sub> a<sub>2</sub>tē<sub>3</sub>dsón'<sub>2</sub> bá' dsau<sub>5</sub> 'ua<sub>1</sub> dsí<sub>5</sub>  
 Diú'<sub>4</sub>. <sup>7</sup> A<sub>2</sub>nē<sub>5</sub> ma<sub>2</sub>ca<sub>2</sub>rē<sub>3</sub>tín'<sub>3</sub> 'nia'<sub>2</sub> ca<sub>2</sub>jme<sub>3</sub>tag<sub>5</sub> Epafras  
 i<sub>2</sub>'nióg<sub>3</sub> gué<sub>4</sub> lín<sub>3</sub>, i<sub>2</sub>ma<sub>2</sub>já<sub>5</sub> co<sub>2</sub>lēs quián'<sub>54</sub> jnia'<sub>54</sub> jme<sub>2</sub>ti<sub>3</sub>  
 ta<sub>1</sub> ne<sub>4</sub> Cristo. 'Éi<sub>2</sub> bá'<sub>4</sub> chén'<sub>5</sub> ja<sub>1</sub>con'<sub>2</sub> 'nia'<sub>2</sub> a<sub>2</sub>lín<sub>5</sub> dsa<sub>2</sub>

\* 1:4 lit. "dsa<sub>2</sub> jñiós."

rě₂ti'₅₄ i₂jmo₅ ta₁ quió'₅ Cristo, o₄quián'₂ 'nia'₂. ⁸ 'Éi₂ bá₄ ma₂o₃can₅jág₁ 'a₂lia'₂ 'nió'₃ 'nia'₂ ríng'₂ le₃quió'₅ Jme₂dsí₂.

⁹ 'Uig₅₄ jaun₂, jnia'₅₄ nế₃, ca₂le₃ jmig₄ jme₁ca₂rě₃ne₄ jnia'₅₄, ma₂ja₂náu₅ tsá₃ ma₂tí₄ jnia'₅₄ jua'₅₄ tsá₃ chi₂len'₄ jnia'₅₄ Diú₄ o₄quián'₂ 'nia'₂. Mi₂ jnia'₅₄ jui₁jmo₁₂ jui₁qui₂le₂'an₂ 'au'₂ ia₁jaun₂ qui₂le₃ñí'₂ le₃ñi'₅₄ 'nia'₂ le₃quió'₅ jme₂dsí₂, 'e₂ jaun₂ a₂'nio₃ 'éi₂, ¹⁰ ia₁jaun₂ bá₄ i₁nio'₄ 'nia'₂ con'₂ dsi₂ten₅₄ jmo₃ dsa₂ quián₅ Te₁gui'₅₄, lia'₂ con'₂ lé₅ 'ñio₂ dsí₅ 'éi₂. Jui₁le₂rau₂ bá₄ con'₂ dse₃ ca₂le₃jế₃ ne₅₄ a₂dse₃ jmo'₂ 'nia'₂, caun₂ dsi₁nó'₅ 'nia'₂ le₃cuing'₂ gué₄ dse₃ Diú₄. ¹¹ Mi₂ jnia'₅₄ ne₄ 'éi₂ a₂chein'₃ 'nia'₂ tiá₂ quián'₅₄ jui₅bí₂ 'uan'₂ quió'₅, ia₁jaun₂ bá₄ tian'₃ 'nia'₂ ca₂le₃jíng'₃ a₂tió'₃ 'au'₂, a₂juin'₂ 'au'₂, ton'₂ o₂'ñio₃ 'au'₂ nế₃. ¹² Mi₂ jnia'₅₄ ia₁jaun₂ bá₄ cué'₅₄ 'nia'₂ ti₁'mag'₄ Tia₅₄, ia₁ ma₂jmo₃ a₂lén'₄ 'nia'₂† dsa₂ i₂lé₅ 'i₁‡ quián₅, i₂ca₂tín₂ le₃quen'₄ ja₁tág₅ si₂. ¹³ Ma₂ca₂lió₂ Diú₄ jniog₄ o₄gú₃ i₂gon₂ jě₄ qui₁né'₃, a₂ma₂ca₂dsiog₃ tág₃ ja₁gon₂ Ja₁ñi'₅₄ i₂ñí₄ lě₃ 'nioi₃. ¹⁴ 'Éi₂§ bá₄ ca₂láu₂, ca₂'éin₂ dsáu₁ jniog₄.

'Ei₅ tei₄ quian'₅₄ Diú₄ o₄quió'₄ a₂ca₂jon₃ Cristo

¹⁵ 'Éi₂ bá₄ lín₅ nió'₄ quió'₅ Diú₄ i₂tsá₃ jniá₂; 'éi₂ bá₄ i₂ca₂tín₂ lén₂ gon₂ ne₄ ca₂le₃jế₃ a₂ca₂rě₃chá₃. ¹⁶ Tě₂le₃ quian'₅₄ 'éi₂ bá₄, ca₂jmo₃ Diú₄ ca₂le₃jế₃ 'e₂ a₂cha₂ guei'₅₄ i₂juí'₃ quian'₅₄ gua'₅₄ 'uě₃, ca₂le₃jế₃ a₂jniá₂ quian'₅₄ gué₄ ca₂le₃jế₃ a₂tsá₃ jniá₂ nế₃: co₂'nió'₄ a₂ca₂jmói'₂ ca₂le₃jín₃ i₂jmo₅ 'éi'₃, ca₂le₃jín₃ i₂'io₅ bí₂, ca₂le₃jín₃ i₂gon₂, ca₂le₃jín₃ i₂lín₅ ta₁ nế₃. Ca₂le₃jín₃ i₂nế₅ ca₂lín₃ tề₂le₃ quian'₅₄ 'éi₂, ton'₂ o₄quió'₄ 'éi₂ nế₃. ¹⁷ 'Éi₂ bá₄ i₂jme₁ma₂chan₂ lia'₂

† 1:12 A₂lín₅₄ chog₅₄ si₂ juá'₂: “ma₂jmo₃ ma₂léi₄ jniog₄.”

‡ 1:12 lit. “dsa₂ jñiό₅.” § 1:14 A₂lín₅₄ chog₅₄ si₂ juá'₂: “Quian'₅₄ jmi₂ 'an₅₄ 'éi₂.”

con'₂ né'₃ gué₄ a₂le₃cha₂ ca₂le₃jé₃; 'éi₂ bá₄ jmo₅ a₂niog₅ lé₂  
rē₂ ca₂le₃jé₃. 18 'Éi₂ bá₄ lín₅ ján₃ mi₂dsi₄ ni₁ñi₁₂, co₂'nió'₄  
le₃jua'₅₄ guá'₅ quiáin₅. 'Éi₂ bá₄ lín₅ i₂ca₂jme₃lióg₃ ca₂le₃jé₃;  
ton'₂ 'éi₂ bá₄ lín₅ ján₃ i₂le₂'uiḡ₅₄ i₂ca₂jen'₅₄ jin₄ 'lag₄,  
ia₁jaun₂ lén₂ 'éi₂ i₂dsen₅₄ gué₄ ne₄ quió'₅ ca₂le₃jé₃. 19 Ia₁  
ca₂rē₃'ñióg₃ dsí₅ Diú₄ ca₂tē₁gua₁ tē₂le₃ ja₁con₂ 'éi₂ ca₂le₃jé₃  
'a₂ lia'₂ lín₅ 'ñiog₅; 20 ca₂rē₃'ñióg₃ dsí₅ ján₃, tē₂le₃ quian'₅₄  
'éi₂, ca₂'ág₂ táng₃ caun₂ jág₁ quian'₅₄ 'ñiog₅, ca₂le₃jé₃  
a₂cha₂: lia'₂ ta₁caun₂ guei'₅₄ mi₂güḡ₃ lia'₂ quian'₅₄ ne₄  
gua'₅₄ 'uë₃, ca₂jmo₃ ca₂'ág₂ táng₃ tei₄ tē₂le₃ quian'₅₄ jmi₂  
'ain₅₄ a₂ca₂tein₃ ne₄ cróg₄.

21 'Nia'₂ né₃, tsá₃ jág₁ jme₁nióg'₅ quian'₅₄ Diú₄ le₂jñiá₅;  
tē₂le₃ jme₁'ñiai'₅₄ bá₄ 'nia'₂, jui₅ 'a₂ lia'₂ jme₁qui₂dsi₂jioḡ₅  
'au'₂, jui₅ 'a₂ lia'₂ jme₁jmo'₂-dsá'u'₅ 'nia'₂ né₃. 22 La₁  
rē₂né₃ né₃, ma₂ca₂jmo₃ Diú₄ ca₂'ág₂ táng₃ caun₂ jág₁ 'nia'₂  
quian'₅₄, tē₂le₃ quian'₅₄ 'mú₃ a₂ca₂can₃ Cristo jui₅ ñi₅₄.  
A₂nē₅ ca₂jmo₃ ia₁jaun₂ chein'₃ 'nia'₂ ne₅₄, jme₃ñiai₂₃ 'nia'₂  
dsa₂ i₂ma₂lé₅ 'í₁,\* i₂tsá₃ ma₃'e₂ rē₂'ñióg₄, on₃ guē'₂ ma₂'e₂  
dso₄ rin'₂ 'nia'₂. 23 A₂jaun₂ chi₂jua'₂ caun₂ náu'₂ 'nia'₂  
tiá₂ a₂'éng'₂, nē₂jag₄ quian'₅₄ jmú₄ tio'₅₄ 'ei₄; jaun₂ tsá₃  
qui₂dsi₃mú'₃ 'nia'₂ cau₅ a₂'ín₂ 'au'₂ tē₂le₃ quian'₅₄ jág₁ dse₃  
a₂ma₂nei'₂ 'nia'₂. Jág₁ dse₃ nē₅ ma₂qui₂rē₂'é₂ ne₄ le₂jan₂  
le₂jan₂ i₂chan₂ ne₄ gua'₅₄ 'uë₃. Jniá₂ Pa₄, jaun₂ né₃, líng₅  
jan₂ i₂qui₂jme₂'o₅₄ dsí₂'é₃ jág₁ jaun₂.

*Jme₂ti₃ Pa₄ ja₁con₂ guá'₅*

24 Nē₃ né₃ 'io'₂ jéin₅ jē₄ dsí₂ñiḡ₂ uiḡ₅ o₄quián'₂ 'nia'₂,  
ia₁ le₂la₂ bá₄ 'eng₅₄ jui₅ a₂jme₁'ñiag₅, quian'₅₄ ñi₃  
'ñióg₃ a₂'nió'₅ gué₄ jui₁lia'₂ jmi₁uiḡ₅ a₂ca₂i₃ñi₂ Cristo

\* 1:22 lit. “dsa₂ jñióg₅.”

o<sub>4</sub>quió'<sub>4</sub> guá'<sub>5</sub> quiáin<sub>5</sub>, a<sub>2</sub>lé<sub>5</sub> ŋi<sub>54</sub>. <sup>25</sup> A<sub>2</sub>ma<sub>2</sub>ca<sub>2</sub>dsióg<sub>3</sub> jniá<sub>2</sub> a<sub>2</sub>líng<sub>5</sub> jan<sub>2</sub> i<sub>2</sub>jme<sub>2</sub>ti<sub>3</sub> ja<sub>1</sub>con<sub>2</sub> guá'<sub>5</sub> ján<sub>3</sub>, con'<sub>2</sub> lé<sub>5</sub> ca<sub>2</sub>dsia<sub>3</sub> Diú<sub>4</sub> gu<sub>3</sub>, a<sub>2</sub>dse<sub>3</sub> quián'<sub>2</sub> 'nia'<sub>2</sub>, a<sub>2</sub>é<sub>4</sub> jniá<sub>2</sub> lia'<sub>2</sub> qui<sub>2</sub>rē<sub>2</sub>'ŋia<sub>5</sub> jág<sub>1</sub> quió'<sub>5</sub>, <sup>26</sup> co<sub>2</sub>'nió'<sub>4</sub> le<sub>3</sub>jua'<sub>54</sub>, jág<sub>1</sub> a<sub>2</sub>tsá<sub>3</sub> jme<sub>1</sub>ca<sub>2</sub>rē<sub>3</sub>jniá<sub>2</sub> a<sub>2</sub>jme<sub>1</sub>rē<sub>2</sub>'ma<sub>4</sub> quió'<sub>5</sub> Diú<sub>4</sub> ca<sub>2</sub>le<sub>3</sub> ma<sub>2</sub>líg'<sub>2</sub> lín<sub>3</sub> ma<sub>2</sub>qui<sub>2</sub>ma<sub>2</sub>ŋí<sub>2</sub> juin<sub>5</sub> lín<sub>3</sub> tsi<sub>1</sub>jon<sub>2</sub> dsa<sub>2</sub> né<sub>3</sub>. La<sub>1</sub> rē<sub>2</sub>né<sub>3</sub> ma<sub>2</sub>cuē<sub>3</sub> a<sub>2</sub>le<sub>3</sub>cuí'<sub>5</sub> dsa<sub>2</sub> i<sub>2</sub>lé<sub>5</sub> 'í<sub>1</sub>† quiáin<sub>5</sub>. <sup>27</sup> Ja<sub>1</sub>con<sub>2</sub> dsa<sub>2</sub> quiáin<sub>5</sub> 'éi<sub>2</sub> bá<sub>4</sub> ca<sub>2</sub>rē<sub>3</sub>'ŋi<sub>3</sub>ó<sub>3</sub> dsí<sub>5</sub> Diú<sub>4</sub> ca<sub>2</sub>jmo<sub>3</sub> a<sub>2</sub>le<sub>3</sub>cuí'<sub>5</sub> dsi<sub>2</sub>nau<sub>2</sub> 'e<sub>2</sub> jaun<sub>2</sub> a<sub>2</sub>jlá'<sub>1</sub> lín<sub>3</sub> jág<sub>1</sub> a<sub>2</sub>jme<sub>1</sub>rē<sub>2</sub>'ma<sub>4</sub> jaun<sub>2</sub>: co<sub>2</sub>'nió'<sub>4</sub> le<sub>3</sub>jua'<sub>54</sub>, 'en<sub>54</sub> bá<sub>4</sub> Cristo jē<sub>4</sub> quián'<sub>2</sub> 'nia'<sub>2</sub>, 'éi<sub>2</sub> bá<sub>4</sub> lín<sub>5</sub> i<sub>2</sub>'ín<sub>2</sub> 'au'<sub>2</sub> ja<sub>1</sub>dse<sub>3</sub> ja<sub>1</sub>jlá'<sub>1</sub> a<sub>2</sub>guéi'<sub>1</sub> 'nia'<sub>2</sub>. <sup>28</sup> Jnia'<sub>54</sub> né<sub>3</sub> qui<sub>2</sub>'é<sub>5</sub> jág<sub>1</sub> a<sub>2</sub>'ín<sub>5</sub> 'éi<sub>2</sub>, le<sub>2</sub>jan<sub>2</sub> le<sub>2</sub>jan<sub>2</sub> dsa<sub>2</sub> qui<sub>2</sub>tioin'<sub>2</sub> jnia'<sub>54</sub> jág<sub>1</sub>, le<sub>2</sub>jan<sub>2</sub> le<sub>2</sub>jan<sub>2</sub> bá<sub>4</sub> dsa<sub>2</sub> qui<sub>2</sub>jme<sub>2</sub>tiin<sub>1</sub> ia<sub>1</sub>jaun<sub>2</sub> le<sub>3</sub>ŋí'<sub>2</sub>, ia<sub>1</sub>jaun<sub>2</sub> lé<sub>2</sub> jme<sub>1</sub>jnia<sub>5</sub> jnia'<sub>54</sub> le<sub>2</sub>jan<sub>2</sub> le<sub>2</sub>jan<sub>2</sub> dsa<sub>2</sub> a<sub>2</sub>ma<sub>2</sub>lín<sub>5</sub> dsa<sub>2</sub> ma<sub>2</sub>ron<sub>2</sub> le<sub>3</sub>quió'<sub>5</sub> Cristo. <sup>29</sup> 'Uig<sub>54</sub> jaun<sub>2</sub> bá<sub>4</sub> né<sub>3</sub>, jmo<sub>5</sub> jniá<sub>2</sub> ta<sub>1</sub>, quín'<sub>5</sub> jniá<sub>2</sub> bí<sub>2</sub> lia'<sub>2</sub> con'<sub>2</sub> lé<sub>5</sub> ta<sub>1</sub> bēn<sub>2</sub> a<sub>2</sub>jmo<sub>5</sub> 'éi<sub>2</sub> ja<sub>1</sub>cong<sub>2</sub>.

## 2

<sup>1</sup> Ia<sub>1</sub> 'nio<sub>3</sub> jniá<sub>2</sub> jui<sub>1</sub>le<sub>3</sub>ŋi'<sub>54</sub> 'nia'<sub>2</sub> 'a<sub>2</sub> lia'<sub>2</sub> ŋí<sub>4</sub> lē<sub>3</sub> quian<sub>5</sub> ta<sub>1</sub> a<sub>2</sub>quíng'<sub>5</sub> bí<sub>2</sub> o<sub>4</sub>quián'<sub>2</sub> 'nia'<sub>2</sub>, quian'<sub>54</sub> o<sub>4</sub>quió'<sub>4</sub> i<sub>2</sub>chan<sub>2</sub> juig<sub>2</sub> Laodicea, o<sub>4</sub>quió'<sub>4</sub> ca<sub>2</sub>le<sub>3</sub>jín<sub>3</sub> i<sub>2</sub>tsá<sub>3</sub> cuig<sub>5</sub> i<sub>2</sub>tsá<sub>3</sub> jág<sub>2</sub> dsi<sub>1</sub>ne<sub>1</sub> né<sub>3</sub>. <sup>2</sup> Jmo<sub>5</sub> jniá<sub>2</sub> bí<sub>2</sub> le<sub>2</sub>nē<sub>5</sub> ia<sub>1</sub>jaun<sub>2</sub> qui<sub>2</sub>le<sub>1</sub>'ág<sub>4</sub> lián'<sub>2</sub> dsí<sub>5</sub> 'éi<sub>2</sub>, caun<sub>2</sub> 'ei<sub>5</sub> jág<sub>1</sub> jme<sub>2</sub>'nioi<sub>3</sub> riin'<sub>54</sub>; ia<sub>1</sub>jaun<sub>2</sub> bá<sub>4</sub> 'io<sub>3</sub> a<sub>2</sub>quen<sub>5</sub> lín<sub>3</sub> a<sub>2</sub>le<sub>2</sub>jaun<sub>2</sub> a<sub>2</sub>caun<sub>2</sub> le<sub>1</sub>'ág<sub>4</sub> dsí<sub>5</sub> ia<sub>1</sub> a<sub>2</sub>qui<sub>2</sub>ma<sub>2</sub>'an<sub>2</sub> dsí<sub>5</sub>; ton'<sub>2</sub> ia<sub>1</sub>jaun<sub>2</sub> le<sub>3</sub>ŋí'<sub>2</sub> jág<sub>1</sub> a<sub>2</sub>rē<sub>2</sub>'ma<sub>4</sub> quió'<sub>5</sub> Diú<sub>4</sub>. Jág<sub>1</sub> jaun<sub>2</sub> né<sub>3</sub>, Cristo 'ŋiog<sub>5</sub> bá<sub>4</sub> 'éi<sub>2</sub>.\* <sup>3</sup> Ia<sub>1</sub> tē<sub>2</sub>le<sub>3</sub> ja<sub>1</sub>con<sub>2</sub> 'éi<sub>2</sub> bá<sub>4</sub> qui<sub>2</sub>rē<sub>2</sub>'ma<sub>4</sub> jē<sub>2</sub> jág<sub>1</sub> a<sub>2</sub>quen<sub>5</sub> lín<sub>3</sub> a<sub>2</sub>lé<sub>2</sub>

† 1:26 lit. “dsa<sub>2</sub> jŋi<sub>3</sub>ó<sub>5</sub>.”

\* 2:2 A<sub>2</sub>lín<sub>54</sub> chog<sub>54</sub> si<sub>2</sub>: “jág<sub>1</sub> a<sub>2</sub>rē<sub>2</sub>'ma<sub>4</sub> quió'<sub>5</sub> Diú<sub>4</sub> Jmei<sub>2</sub>, quió'<sub>5</sub> Cristo né<sub>3</sub>.”

le<sub>3</sub>ŋí'<sub>2</sub> dsí'<sub>5</sub> dsa<sub>2</sub>, a<sub>2</sub>lé<sub>2</sub> le<sub>3</sub>ŋi<sub>5</sub> dsa<sub>2</sub> né<sub>3</sub>. <sup>4</sup> A<sub>2</sub>nē<sub>5</sub> juíg<sub>2</sub> 'nia'<sub>2</sub> ia<sub>1</sub>jaun<sub>2</sub> 'i<sub>1</sub>jan<sub>2</sub> tsá<sub>3</sub> 'ein<sub>2</sub> jui<sub>1</sub>jme<sub>2</sub>gau<sub>5</sub> 'nia'<sub>2</sub> quian'<sub>54</sub> jág<sub>1</sub> a<sub>2</sub>'io'<sub>2</sub> quió'<sub>5</sub>. <sup>5</sup> Jaun<sub>2</sub> o<sub>1</sub>ŋia'<sub>54</sub> la<sub>2</sub> tsá<sub>3</sub> quian'<sub>54</sub> jniá<sub>2</sub> 'nia'<sub>2</sub> dsi<sub>1</sub>ne<sub>1</sub> 'ŋi<sub>3</sub> dsón'<sub>2</sub>, la<sub>1</sub> 'eng<sub>54</sub> bá<sub>4</sub> quian'<sub>54</sub> 'nia'<sub>2</sub> tē<sub>2</sub>le<sub>3</sub> quian'<sub>54</sub> jme<sub>2</sub>dsí<sub>2</sub>, jmo<sub>23</sub> 'io'<sub>2</sub>, jág<sub>5</sub> 'a<sub>2</sub> lia'<sub>2</sub> tiong'<sub>54</sub> rē<sub>2</sub> con'<sub>2</sub> dsi<sub>2</sub>ten<sub>54</sub>, ton'<sub>2</sub> tíong'<sub>2</sub> bá<sub>4</sub> tiá<sub>2</sub> a<sub>2</sub>'éng'<sub>2</sub> le<sub>3</sub>quió'<sub>5</sub> Cristo. <sup>6</sup> Jaun<sub>2</sub> lē<sub>3</sub>, le<sub>2</sub>nē<sub>5</sub> jui<sub>1</sub>lia'<sub>2</sub> ca<sub>2</sub>guen'<sub>54</sub> 'nia'<sub>2</sub> Cristo Jesús† a<sub>2</sub>lín<sub>5</sub> juig'<sub>2</sub> 'nia'<sub>2</sub>, caun<sub>2</sub> jui<sub>1</sub>i<sub>2</sub>nio'<sub>4</sub> bá<sub>4</sub> 'nia'<sub>2</sub> le<sub>3</sub>quió'<sub>5</sub> 'éi<sub>2</sub>; <sup>7</sup> jui<sub>1</sub>tē<sub>2</sub>ton<sub>54</sub> bá<sub>4</sub> jmú<sub>4</sub> jui<sub>5</sub> jme<sub>2</sub>dsí<sub>2</sub> quián'<sub>2</sub> 'nia'<sub>2</sub> tē<sub>2</sub>le<sub>3</sub> quió'<sub>5</sub> 'éi<sub>2</sub>, jui<sub>1</sub>qui<sub>2</sub>dsi<sub>2</sub>cón'<sub>3</sub> bá<sub>4</sub> 'nia'<sub>2</sub> le<sub>3</sub>quió'<sub>5</sub> 'éi<sub>2</sub> tē<sub>2</sub>le<sub>3</sub> ia<sub>1</sub> a<sub>2</sub>'éng'<sub>2</sub>, lia'<sub>2</sub> con'<sub>2</sub> lé<sub>5</sub> a<sub>2</sub>ca<sub>2</sub>rē<sub>2</sub>tín'<sub>3</sub> 'nia'<sub>2</sub>, a<sub>2</sub>rē<sub>2</sub>tsón<sub>2</sub> tē<sub>2</sub>'au'<sub>2</sub> a<sub>2</sub>cuē'<sub>54</sub> ti<sub>1</sub>'mag'<sub>4</sub> Diú<sub>4</sub>.

A<sub>2</sub>le<sub>3</sub>chan<sub>2</sub> dsa<sub>2</sub> caun<sub>2</sub> jui<sub>5</sub> 'mí<sub>2</sub> le<sub>3</sub>quió'<sub>5</sub> Cristo

<sup>8</sup> Í<sub>1</sub> jmo<sub>4</sub> 'nia'<sub>2</sub>, ia<sub>1</sub> con'<sub>2</sub> tsá<sub>3</sub> ŋó<sub>5</sub> nē<sub>1</sub>ca<sub>2</sub>tag<sub>3</sub> dsa<sub>2</sub>‡ tē<sub>2</sub>le<sub>3</sub> quian'<sub>54</sub> jág<sub>1</sub> a<sub>2</sub>ŋia'<sub>54</sub> ŋí'<sub>2</sub> dsí'<sub>5</sub> dsa<sub>2</sub> mi<sub>2</sub>güüg<sub>3</sub>, a<sub>2</sub>jme<sub>2</sub>gau<sub>5</sub>, a<sub>2</sub>tsá<sub>3</sub> ta<sub>1</sub> tí<sub>4</sub>, lia'<sub>2</sub> con'<sub>2</sub> lé<sub>5</sub> tag<sub>4</sub> chí'<sub>5</sub> quió'<sub>5</sub> dsa<sub>2</sub>, a<sub>2</sub>cha<sub>2</sub> 'uig<sub>54</sub> 'a<sub>2</sub> con'<sub>2</sub> ŋia'<sub>54</sub> lé<sub>2</sub> a<sub>2</sub>cha<sub>2</sub> mi<sub>2</sub>güüg<sub>3</sub> la<sub>2</sub>, on<sub>3</sub>jua'<sub>54</sub> rē<sub>2</sub> lia'<sub>2</sub> con'<sub>2</sub> lé<sub>5</sub> jág<sub>1</sub> quió'<sub>5</sub> Cristo. <sup>9</sup> Ia<sub>1</sub> ja<sub>1</sub>con<sub>2</sub> Cristo bá<sub>4</sub> tē<sub>1</sub>gua<sub>1</sub> chi<sub>1</sub>dsáin<sub>3</sub> ca<sub>2</sub>le<sub>3</sub>jé<sub>3</sub> lia'<sub>2</sub> con'<sub>2</sub> lé<sub>5</sub> niog<sub>5</sub> lín<sub>5</sub> Diú<sub>4</sub>. <sup>10</sup> Jaun<sub>2</sub> 'nia'<sub>2</sub> né<sub>3</sub>, ma<sub>2</sub>le<sub>1</sub>'ŋia'<sub>5</sub> 'nia'<sub>2</sub> le<sub>3</sub>quió'<sub>5</sub> 'éi<sub>2</sub>, i<sub>2</sub>lín<sub>5</sub> co<sub>2</sub>'nió'<sub>4</sub> mi<sub>2</sub>dsi<sub>4</sub> ne<sub>4</sub> quió'<sub>5</sub> ca<sub>2</sub>le<sub>3</sub>jín<sub>3</sub> i<sub>2</sub>gon<sub>2</sub>, ca<sub>2</sub>le<sub>3</sub>jín<sub>3</sub> i<sub>2</sub>jio<sub>5</sub> 'éi'<sub>3</sub> ján<sub>3</sub>. <sup>11</sup> Le<sub>2</sub>jaun<sub>2</sub> bá<sub>4</sub> ján<sub>3</sub>, ia<sub>1</sub> a<sub>2</sub>quian'<sub>54</sub> 'nia'<sub>2</sub> Cristo, co<sub>2</sub>'nió'<sub>4</sub> bá<sub>4</sub> ma<sub>2</sub>qui<sub>2</sub>rē<sub>2</sub>uing<sub>4</sub> quián'<sub>2</sub> 'nia'<sub>2</sub>, ma<sub>2</sub>lé<sub>5</sub> léi<sub>4</sub>. La<sub>1</sub> on<sub>3</sub>jua'<sub>54</sub> rē<sub>2</sub> lia'<sub>2</sub> lé<sub>5</sub> jmo<sub>5</sub> dsa<sub>2</sub> mi<sub>2</sub>güüg<sub>3</sub>, tē<sub>2</sub>le<sub>3</sub> a<sub>2</sub>ma<sub>2</sub>qui<sub>2</sub>ma<sub>2</sub>tí'<sub>3</sub> 'nia'<sub>2</sub> 'nau'<sub>4</sub> dso<sub>4</sub> lia'<sub>2</sub> 'ín<sub>5</sub> dsí'<sub>5</sub> ni<sub>1</sub>ŋí'<sub>1</sub>; ma<sub>2</sub>qui<sub>2</sub>le<sub>1</sub>lín'<sub>5</sub> 'nia'<sub>2</sub> léi<sub>4</sub> le<sub>3</sub>quió'<sub>5</sub> Cristo. <sup>12</sup> Ia<sub>1</sub> lia'<sub>2</sub> con'<sub>2</sub> jme<sub>1</sub>ca<sub>2</sub>qui<sub>2</sub>ca<sub>2</sub>jŋó'<sub>2</sub>

† 2:6 o<sub>3</sub>, “Jesucristo.” ‡ 2:8 o<sub>3</sub>, “nē<sub>1</sub>ca<sub>2</sub>'ang<sub>3</sub> a<sub>2</sub>'én'<sub>2</sub> 'nia'<sub>2</sub>.”

'nia'<sub>2</sub> jmi<sub>g</sub><sub>2</sub>,<sup>§</sup> nē<sub>2</sub>ja<sub>g</sub><sub>4</sub> bá<sub>4</sub> ca<sub>2</sub>i<sub>3</sub>'on'<sub>3</sub> 'nia'<sub>2</sub> co<sub>2</sub>lē<sub>5</sub> quian'<sub>54</sub>  
 Cristo, já<sub>n</sub><sub>3</sub> guē'<sub>2</sub> le<sub>2</sub>jaun<sub>2</sub> ca<sub>2</sub>jen'<sub>54</sub> 'nia'<sub>2</sub> co<sub>2</sub>lē<sub>5</sub> quian'<sub>54</sub>  
 'éi'<sub>2</sub>, ia<sub>1</sub> ca<sub>2</sub>rē<sub>3</sub>'én'<sub>2</sub> 'nia'<sub>2</sub> jui<sub>5</sub>bí<sub>2</sub> quió'<sub>5</sub> Diú<sub>4</sub> a<sub>2</sub>ca<sub>2</sub>jme<sub>3</sub>jein'<sub>54</sub>  
 ja<sub>1</sub>jme<sub>1</sub>rē<sub>2</sub>'līn'<sub>54</sub>.<sup>13</sup> Lia'<sub>2</sub> con'<sub>2</sub> jme<sub>1</sub>rē<sub>2</sub>'līn'<sub>4</sub> 'nia'<sub>2</sub> le<sub>3</sub>quió'<sub>5</sub>  
 jme<sub>2</sub>dsí<sub>2</sub>, jme<sub>1</sub>qui<sub>2</sub>le<sub>1</sub>cán'<sub>2</sub> jme<sub>1</sub>qui<sub>2</sub>le<sub>1</sub>quian'<sub>4</sub> 'nia'<sub>2</sub> dsáu'<sub>2</sub>,  
 nē<sub>2</sub>ja<sub>g</sub><sub>4</sub> bá<sub>4</sub> a<sub>2</sub>tsá<sub>3</sub> jme<sub>1</sub>rē<sub>2</sub>uīng<sub>4</sub> lo'<sub>4</sub> 'nia'<sub>2</sub> jme<sub>1</sub>chang'<sub>2</sub>;  
 la<sub>1</sub> Diú<sub>4</sub> né<sub>3</sub> ma<sub>2</sub>to'<sub>2</sub> táng<sub>3</sub> jme<sub>2</sub>dsí<sub>2</sub> 'nia'<sub>2</sub> co<sub>2</sub>lē<sub>5</sub> quian'<sub>54</sub>  
 Cristo, qui<sub>2</sub>ca<sub>2</sub>'éin<sub>2</sub> bá<sub>4</sub> jē<sub>2</sub> dsáu'<sub>2</sub> 'nia'<sub>2</sub>.<sup>14</sup> Co<sub>2</sub>dsia<sub>5</sub> ca<sub>2</sub>'éin<sub>2</sub>  
 bá<sub>4</sub> já<sub>g</sub><sub>1</sub> a<sub>2</sub>jme<sub>1</sub>chi<sub>1</sub>ton<sub>5</sub> ne<sub>4</sub> si<sub>2</sub> a<sub>2</sub>jme<sub>1</sub>ron<sub>5</sub> a<sub>2</sub>jme<sub>1</sub>juá'<sub>2</sub>  
 a<sub>2</sub>jme<sub>1</sub>rag<sub>2</sub> jniog<sub>4</sub>, Si<sub>2</sub> 'Éi'<sub>3</sub> jaun<sub>2</sub> a<sub>2</sub>jme<sub>1</sub>'liog'<sub>5</sub> jniog<sub>4</sub>;  
 ma<sub>2</sub>ca<sub>2</sub>jñiá'<sub>2</sub> cau<sub>5</sub> co<sub>2</sub>ñei'<sub>54</sub>, nē<sub>2</sub>ja<sub>g</sub><sub>4</sub> bá<sub>4</sub> a<sub>2</sub>ca<sub>2</sub>i<sub>3</sub>ba<sub>54</sub> mi<sub>2</sub>ñí<sub>1</sub>  
 si<sub>2</sub> jaun<sub>2</sub> dso'<sub>2</sub> cróg<sub>4</sub>.<sup>15</sup> Le<sub>2</sub>nē<sub>5</sub> co<sub>2</sub>dsia<sub>5</sub> ca<sub>2</sub>chein'<sub>3</sub> 'uīn'<sub>3</sub>  
 jme<sub>2</sub>dsí<sub>2</sub> i<sub>2</sub>jme<sub>1</sub>gon<sub>2</sub>, i<sub>2</sub>jme<sub>1</sub>jio<sub>g</sub><sub>5</sub> 'éi'<sub>3</sub> né<sub>3</sub>, jaun<sub>2</sub> ca<sub>2</sub>jio<sub>g</sub><sub>3</sub>  
 cha<sub>2</sub>juí<sub>g</sub><sub>3</sub> tē<sub>3</sub> já<sub>g</sub><sub>5</sub> ca<sub>2</sub>le<sub>3</sub>jín<sub>3</sub> dsa<sub>2</sub>, jme<sub>1</sub>ca<sub>2</sub>tió'<sub>3</sub> ca<sub>2</sub>tiain'<sub>3</sub> 'éi'<sub>2</sub>  
 já<sub>g</sub><sub>1</sub>, ne<sub>4</sub> cróg<sub>4</sub>.\*

'Nio'<sub>2</sub> 'nia'<sub>2</sub> a<sub>2</sub>cha<sub>2</sub> le<sub>3</sub>quió'<sub>5</sub> guei'<sub>54</sub> i<sub>2</sub>juí<sub>g</sub><sub>3</sub>

<sup>16</sup> Jaun<sub>2</sub> lē<sub>3</sub>, 'i<sub>1</sub>jan<sub>2</sub> tsá<sub>3</sub> 'ein<sub>2</sub> qui<sub>2</sub>o<sub>1</sub>'ag<sub>54</sub> 'nia'<sub>2</sub> o<sub>4</sub>quió'<sub>4</sub>  
 'e<sub>2</sub> má<sub>3</sub> qué'<sub>2</sub>, o<sub>3</sub> jui<sub>1</sub>lia'<sub>2</sub> 'e<sub>2</sub> qui<sub>2</sub>'ág'<sub>2</sub> 'nia'<sub>2</sub>, o<sub>3</sub> quian'<sub>54</sub>  
 jui<sub>1</sub>lia'<sub>2</sub> jmi<sub>g</sub><sub>4</sub> jme<sub>1</sub>niog<sub>5</sub> jmi<sub>g</sub><sub>4</sub>, o<sub>3</sub> jui<sub>1</sub>lia'<sub>2</sub> jmi<sub>g</sub><sub>4</sub> tsi'<sub>2</sub> 'io'<sub>54</sub>, †  
 o<sub>3</sub> jui<sub>1</sub>lia'<sub>2</sub> jmi<sub>g</sub><sub>4</sub> sa<sub>54</sub> né<sub>3</sub>.<sup>17</sup> Ca<sub>2</sub>le<sub>3</sub>jé<sub>3</sub> a<sub>2</sub>nē<sub>5</sub>, lé<sub>5</sub> co<sub>2</sub>'nió'<sub>4</sub>  
 caun<sub>2</sub> 'én'<sub>1</sub> quió'<sub>5</sub> a<sub>2</sub>'i<sub>4</sub> 'éi'<sub>3</sub> jiá<sub>3</sub> bá<sub>4</sub> jaun<sub>2</sub>, la<sub>1</sub>ia<sub>1</sub> jui<sub>1</sub>lia'<sub>2</sub> a<sub>2</sub>tí<sub>5</sub>  
 tē<sub>3</sub>dsón'<sub>2</sub>, Cristo bá<sub>4</sub> 'éi'<sub>2</sub>.<sup>18</sup> Tsá<sub>3</sub> cuē<sub>2</sub> 'nia'<sub>2</sub> jmi<sub>g</sub><sub>4</sub> jua'<sub>54</sub>  
 'liog'<sub>3</sub> dsa<sub>2</sub> cau<sub>5</sub> 'nia'<sub>2</sub>, jui<sub>1</sub>lia'<sub>2</sub> dsa<sub>2</sub> i<sub>2</sub>jmo<sub>5</sub> a<sub>2</sub>līn<sub>5</sub> mei'<sub>2</sub>,  
 ton'<sub>2</sub> jme<sub>2</sub>juin'<sub>2</sub> ángeles né<sub>3</sub>. Qui<sub>2</sub>tiáin<sub>2</sub> 'ñio<sub>5</sub> līn<sub>3</sub> a<sub>2</sub>cha<sub>2</sub> tē<sub>5</sub>  
 ne<sub>54</sub> a<sub>2</sub>lē<sub>1</sub>qui<sub>2</sub>jág<sub>5</sub>, ‡ 'ñio<sub>5</sub> jme<sub>2</sub>cain'<sub>54</sub> jmo<sub>23</sub> róin<sub>2</sub> a<sub>2</sub>qui<sub>2</sub>ñí'<sub>2</sub>  
 dsí<sub>5</sub> guioin<sub>54</sub>.<sup>19</sup> Dsa<sub>2</sub> i<sub>2</sub>le<sub>2</sub>'éi'<sub>2</sub> né<sub>3</sub>, tsá<sub>3</sub> chi<sub>1</sub>chain'<sub>5</sub> le<sub>3</sub>quió'<sub>5</sub>  
 Cristo, i<sub>2</sub>līn<sub>5</sub> mi<sub>2</sub>dsi<sub>4</sub> i<sub>2</sub>jme<sub>2</sub>tau<sub>54</sub> ca<sub>2</sub>le<sub>3</sub>jé<sub>3</sub> ja<sub>1</sub>qui<sub>2</sub>le<sub>1</sub>tion'<sub>54</sub>

§ 2:12 lit. "lia'<sub>2</sub> con'<sub>2</sub> jme<sub>1</sub>ca<sub>2</sub>i<sub>3</sub>tian'<sub>3</sub> 'nia'<sub>2</sub> jmi<sub>g</sub><sub>2</sub>." \* 2:15

'Nio'<sub>2</sub> ja<sub>1</sub>ton<sub>5</sub> Efesios 4:8. † 2:16 lit. "tsi'<sub>2</sub> guen<sub>2</sub>." ‡ 2:18

A<sub>2</sub>līn<sub>54</sub> chog<sub>54</sub> si<sub>2</sub> juá'<sub>2</sub>: "qui<sub>2</sub>tiáin<sub>2</sub> 'ñio<sub>5</sub> līn<sub>3</sub> jui<sub>1</sub>lia'<sub>2</sub> a<sub>2</sub>tsá<sub>3</sub>  
 ma<sub>2</sub>jág<sub>3</sub>."

quió'5, jmo23 qui2dsi2cón3 ta1caun2 ni1ñi12, lia'2 con'2 lé5  
'ñio2 dsí5 Diú4.

20 Chi2jua'2 jaun2 ma2dsan'3 bá4 'nia'2 quian'54 Cristo,  
ja1con2 jág1 le2'uig54 lia'2 ñí'2 dsí5 dsa2 mi2güüg3, ¿'e2 guè'2  
'uig54 lë3 né3, qui2tían'5 gué4 'nia'2 'éi'3 në2jag4 a2líng'5  
bá4 gué4 'nia'2 dsa2 mi2güüg3? 21 Co2'nió'4 a2juá'2 'éi'3:  
“Tsá3 i2tí5 gog'2, tsá3 i2qué'2 má3 ó3, tsá3 i2jmá'2 a2ó3 né3.”  
22 Ta1jě2 bá4 a2në5 dsiá3 jui1lia'2 jë1jmo'2 ta1. Të2le3 ia1 con'2  
lé5 'éi'3 a2jme2tag5 dsa2 mi2güüg3 bá4 jaun2. 23 Jág1 a2leñí'2  
dsí5, jág1 le2në5, lé2 le3lín2 dsa2, ia1 qui2chi2quióng2 jmig4  
'ñio5 lín3 a2jmo3 dsa2 a2ñí4 cuiin23 Diú4, a2qui2jmo23 mei'2,  
a2qui2cué'5 uig5 ni1ñi12 né3; la1 'i1ca2juig4 tsá3 'e2 ta1 jmo3  
jua'54 quian'54 a2në5 lé2 le3guia'3 dsa2 cau5 a2'ág'4 dsí5 a2mi5  
ni1ñi12.

### 3

1 Le2në5 bá4 jaun2, ia1 a2ma2ca2jen'54 guè'2 'nia'2 quian'54  
Cristo, 'nio'2 'nia'2 jaun2 a2lé5 le3quió'5 guei'54 i2juíg3,  
ja1guá4 Cristo të2le3 gu2 ne1 quió'5 Diú4. 2 Jmo4 bá4 'nia'2  
'i5 'au'2 a2ca2tín2 guei'54 i2juíg3, on3jua'54 rë'2 a2ca2tín2 ne4  
gua'54 'uë3. 3 Ia1 ma2dsan'3 bá4 'nia'2, jaun2 ma2rë2'ma4  
a2chan'2 'nia'2 quian'54 Cristo ja1con2 Diú4. 4 Jë1ma2té2  
rëjme3jnia5 Cristo né3, i2lín5 i2jmo5 a2chong2 jniog4, jaun2  
né3, ján3 guè'2 le2jaun2 'nia'2 le3jniág'2 co2lë5 quian'54 jë4  
co2tág5 co2'né'5 quió'5.

Jui5 gui'54, quian'54 jui5 'mí2

5 Jaun2 lé3, co2dsia5 jmo4 'nia'2 jui1dsian2 gog'2-tag'54  
a2jmo5-dsau5 jui1lia'2 a2lé2 gua'54 'uë3 la2: jui1lia'2 a2nió'5  
dsa2 jág1 a2tsá3 dsi2ten54 nió'3; jui1lia'2 a2jmo5 dsa2 cosa  
lë1'iog5, jui1lia'2 a2'ín5 dsí5 cosa 'lig'54, jui1lia'2 a2'ín5 dsí5

dsa<sub>2</sub> jme<sub>3</sub>'ñioí'<sub>3</sub> a<sub>2</sub>ca<sub>2</sub>tín<sub>2</sub> i<sub>2</sub>sián'<sub>2</sub>. Ia<sub>1</sub> a<sub>2</sub>co<sub>2</sub>jaun<sub>2</sub> bá<sub>4</sub> nē<sub>5</sub> jui<sub>1</sub>lia'<sub>2</sub> a<sub>2</sub>jme<sub>2</sub>gan<sub>3</sub> dsa<sub>2</sub> diú<sub>4</sub> lag<sub>4</sub>. <sup>6</sup>Ia<sub>1</sub> 'uig<sub>54</sub> quió'<sub>4</sub> a<sub>2</sub>le<sub>2</sub>nē<sub>5</sub> bá<sub>4</sub> já<sub>5</sub> uig<sub>5</sub> gau<sub>2</sub> a<sub>2</sub>'é<sub>2</sub> Diú<sub>4</sub> ne<sub>4</sub> quió'<sub>5</sub> jaun<sub>5</sub> dsa<sub>2</sub> i<sub>2</sub>tsá<sub>3</sub> ne'<sub>54</sub>.<sup>\*</sup> <sup>7</sup>Jui<sub>5</sub> le<sub>2</sub>nē<sub>5</sub> jme<sub>1</sub>i<sub>2</sub>nio'<sub>4</sub> 'nia'<sub>2</sub> lia'<sub>2</sub> lé<sub>5</sub> jme<sub>1</sub>chan'<sub>2</sub> 'nia'<sub>2</sub> le<sub>2</sub>jñiá<sub>5</sub>. <sup>8</sup>La<sub>1</sub> rē<sub>2</sub>nē<sub>3</sub> nē<sub>3</sub>, tí<sub>3</sub> ca<sub>2</sub>le<sub>3</sub>jé<sub>3</sub> a<sub>2</sub>le<sub>2</sub>nē<sub>5</sub>: jui<sub>1</sub>lia'<sub>2</sub> a<sub>2</sub>'i<sub>4</sub> 'nei<sub>2</sub> 'au'<sub>2</sub> 'nia'<sub>2</sub>, jui<sub>1</sub>lia'<sub>2</sub> a<sub>2</sub>lē<sub>1</sub>qui<sub>2</sub>rē<sub>2</sub>'neg'<sub>2</sub>, jui<sub>1</sub>lia'<sub>2</sub> a<sub>2</sub>'lig'<sub>54</sub> a<sub>2</sub>qui<sub>2</sub>dsi<sub>2</sub>jñiá<sub>5</sub> 'au'<sub>2</sub> 'nia'<sub>2</sub>, jui<sub>1</sub>lia'<sub>2</sub> a<sub>2</sub>'ín'<sub>5</sub> 'nia'<sub>2</sub> uig<sub>5</sub> ríng'<sub>2</sub>, jui<sub>1</sub>lia'<sub>2</sub> jág<sub>1</sub> ga<sub>2</sub> a<sub>2</sub>'uē<sub>2</sub> mi<sub>2</sub>'o'<sub>54</sub>. <sup>9</sup>Tsá<sub>3</sub> ma<sub>3</sub>dsia<sub>2</sub> 'nia'<sub>2</sub> jág<sub>1</sub> tē<sub>2</sub>jág<sub>1</sub> quian'<sub>54</sub> rín'<sub>2</sub> 'nia'<sub>2</sub> le<sub>2</sub>jang'<sub>2</sub> le<sub>2</sub>jang'<sub>2</sub>, ia<sub>1</sub> ma<sub>2</sub>dsian'<sub>54</sub> 'nia'<sub>2</sub> cau<sub>5</sub> dsa<sub>2</sub> 'ón<sub>5</sub> 'a<sub>2</sub> lia'<sub>2</sub> jme<sub>1</sub>lín'<sub>4</sub> 'nia'<sub>2</sub> le<sub>2</sub>jñiá<sub>5</sub>, quian'<sub>54</sub> gué<sub>4</sub> ca<sub>2</sub>le<sub>3</sub>jé<sub>3</sub> a<sub>2</sub>jme<sub>1</sub>jmo<sub>5</sub>-dsáu<sub>5</sub>, <sup>10</sup>co<sub>2</sub>'nió'<sub>4</sub> ma<sub>2</sub>ca<sub>2</sub>qui'<sub>2</sub> táng<sub>3</sub> 'nia'<sub>2</sub> caun<sub>2</sub> a<sub>2</sub>'mí<sub>2</sub>, co<sub>2</sub>'nió'<sub>4</sub> a<sub>2</sub>lín'<sub>5</sub> dsa<sub>2</sub> 'mí<sub>2</sub>; a<sub>2</sub>caun<sub>2</sub> qui<sub>2</sub>rē<sub>2</sub>'mag'<sub>2</sub> 'nia'<sub>2</sub>, ia<sub>1</sub>jaun<sub>2</sub> dsi<sub>1</sub>nóg'<sub>5</sub> ja<sub>1</sub>le<sub>3</sub>cuín'<sub>2</sub> 'nia'<sub>2</sub> dse<sub>3</sub> lín<sub>3</sub> Diú<sub>4</sub>, ja<sub>1</sub>le<sub>3</sub>lén'<sub>2</sub> 'nia'<sub>2</sub> lia'<sub>2</sub> lín<sub>5</sub> 'éi<sub>2</sub> i<sub>2</sub>ca<sub>2</sub>jmo'<sub>2</sub> 'nia'<sub>2</sub>. <sup>11</sup>Ja<sub>1</sub>jaun<sub>2</sub> tsá<sub>3</sub> 'ein<sub>2</sub> jmo<sub>5</sub> jma<sub>3</sub>quén<sub>5</sub> jui<sub>1</sub>lia'<sub>2</sub> dsi<sub>2</sub>nau<sub>2</sub> o<sub>3</sub> dsa<sub>2</sub> judíos 'e<sub>2</sub>, jui<sub>1</sub>lia'<sub>2</sub> dsa<sub>2</sub> i<sub>2</sub>rē<sub>2</sub>uñg<sub>4</sub> o<sub>3</sub> tsá<sub>3</sub> rē<sub>2</sub>uñg<sub>4</sub> quió'<sub>5</sub> 'e<sub>2</sub>, jui<sub>1</sub>lia'<sub>2</sub> dsa<sub>2</sub> i<sub>2</sub>chan<sub>2</sub> uñg<sub>2</sub>, o<sub>3</sub> i<sub>2</sub>chan<sub>2</sub> má'<sub>2</sub> 'e<sub>2</sub>, jui<sub>1</sub>lia'<sub>2</sub> dsa<sub>2</sub> i<sub>2</sub>jme<sub>2</sub>ti<sub>3</sub> ta<sub>1</sub> ne<sub>4</sub> juig<sub>54</sub>, o<sub>3</sub> i<sub>2</sub>tsá<sub>3</sub> 'ein<sub>2</sub> ne<sub>4</sub> jme<sub>2</sub>ti<sub>3</sub>; la<sub>1</sub> Cristo bá<sub>4</sub> quen<sub>5</sub> ne<sub>4</sub> ca<sub>2</sub>le<sub>3</sub>jé<sub>3</sub>, ton'<sub>2</sub> 'ein<sub>54</sub> ja<sub>1</sub>con<sub>2</sub> ca<sub>2</sub>le<sub>3</sub>jín<sub>3</sub>.

<sup>12</sup>Jaun<sub>2</sub> lē<sub>3</sub>, rín'<sub>54</sub> jniog<sub>4</sub>, jui<sub>1</sub>lia'<sub>2</sub> ca<sub>2</sub>tín<sub>2</sub> jmo<sub>3</sub> dsa<sub>2</sub> i<sub>2</sub>ma<sub>2</sub>qui<sub>2</sub>ón'<sub>2</sub> Diú<sub>4</sub>, i<sub>2</sub>ma<sub>2</sub>lé<sub>5</sub> 'í<sub>1</sub> quiáin<sub>5</sub>, i<sub>2</sub>ñiá<sub>4</sub> lē<sub>3</sub> 'nioi<sub>3</sub> 'éi<sub>2</sub>: qui'<sub>2</sub> 'nia'<sub>2</sub> a<sub>2</sub>rē<sub>2</sub>lín'<sub>54</sub> a<sub>2</sub>ñéi<sub>2</sub> 'au'<sub>2</sub>, a<sub>2</sub>'ua<sub>1</sub> 'au'<sub>2</sub>, a<sub>2</sub>jmo'<sub>2</sub> meg'<sub>2</sub>, a<sub>2</sub>jme<sub>1</sub>gan'<sub>3</sub> 'nia'<sub>2</sub> ríng'<sub>2</sub>, a<sub>2</sub>juín'<sub>2</sub> 'au'<sub>2</sub> 'nia'<sub>2</sub> nē<sub>3</sub>. <sup>13</sup>Jmo<sub>4</sub> 'nia'<sub>2</sub> tió'<sub>3</sub> 'au'<sub>2</sub> quian'<sub>54</sub> ríng'<sub>2</sub> le<sub>2</sub>jang'<sub>2</sub> le<sub>2</sub>jang'<sub>2</sub>, ton'<sub>2</sub> 'én<sub>3</sub> 'nia'<sub>2</sub> dsáu<sub>1</sub> ríng'<sub>2</sub>, nē<sub>1</sub>jua'<sub>2</sub> chan<sub>2</sub> i<sub>2</sub>dsia<sub>5</sub> dsáu<sub>1</sub> rín'<sub>54</sub>. Jui<sub>1</sub>lia'<sub>2</sub> ca<sub>2</sub>'én<sub>2</sub> Te<sub>1</sub>gui'<sub>54</sub> dsáu'<sub>2</sub> 'nia'<sub>2</sub> guiong'<sub>54</sub>, le<sub>2</sub>jaun<sub>2</sub> jmo<sub>4</sub> 'nia'<sub>2</sub> ján<sub>3</sub>. <sup>14</sup>A<sub>2</sub>dsen<sub>54</sub> gué<sub>4</sub> jē<sub>4</sub> ca<sub>2</sub>le<sub>3</sub>jé<sub>3</sub>, qui'<sub>2</sub>

\* 3:6 A<sub>2</sub>lín<sub>54</sub> chog<sub>54</sub> si<sub>2</sub> tsá<sub>3</sub> chi<sub>1</sub>ton<sub>5</sub> jág<sub>1</sub>: “ne<sub>4</sub> quió'<sub>5</sub> jaun<sub>5</sub> dsa<sub>2</sub> i<sub>2</sub>tsá<sub>3</sub> ne'<sub>54</sub>.”

'nia'<sub>2</sub> quian'<sub>54</sub> a<sub>2</sub>jme<sub>1</sub>'nió'<sub>4</sub> 'nia'<sub>2</sub> ríng'<sub>2</sub>, † a<sub>2</sub>ně<sub>5</sub> bá<sub>4</sub> jmo<sub>3</sub>  
 'ag<sub>3</sub> co<sub>2</sub>dsia<sub>5</sub> caun<sub>2</sub> jág<sub>1</sub> 'nia'<sub>2</sub>. <sup>15</sup> Jui<sub>1</sub>le<sub>2</sub>gon<sub>2</sub> të<sub>2</sub>'au'<sub>2</sub> 'nia'<sub>2</sub>  
 a<sub>2</sub>'ei<sub>5</sub> tei<sub>4</sub> quió'<sub>5</sub> Cristo, ‡ ia<sub>1</sub> ta<sub>1</sub> jaun<sub>2</sub> ma<sub>2</sub>qui<sub>2</sub>rě<sub>2</sub>té<sub>4</sub> 'nia'<sub>2</sub>  
 a<sub>2</sub>lén'<sub>2</sub> caun<sub>2</sub> bá<sub>4</sub> ŋí<sub>5</sub>. Jaun<sub>2</sub>jmo<sub>4</sub> 'nia'<sub>2</sub> 'au'<sub>2</sub> cuë'<sub>54</sub> ti<sub>1</sub> 'mag'<sub>4</sub>.  
<sup>16</sup> Jui<sub>1</sub>tě<sub>2</sub>gua<sub>4</sub> të<sub>2</sub>'au'<sub>2</sub> 'nia'<sub>2</sub> lia'<sub>2</sub> rě<sub>2</sub>tsón<sub>2</sub> jág<sub>1</sub> dse<sub>3</sub> quió'<sub>5</sub>  
 Cristo; quian'<sub>54</sub> ca<sub>2</sub>le<sub>3</sub>jě<sub>3</sub> a<sub>2</sub>ŋí'<sub>2</sub> dsí<sub>5</sub> Diú<sub>4</sub>, jě<sub>1</sub>jme<sub>2</sub>tín'<sub>2</sub> 'nia'<sub>2</sub>  
 ríng'<sub>2</sub>, jě<sub>1</sub>qui<sub>2</sub>ton'<sub>2</sub> 'nia'<sub>2</sub> jág<sub>1</sub> ríng'<sub>2</sub> të<sub>2</sub>le<sub>3</sub> quian'<sub>54</sub> salmos,  
 himnos, son<sub>54</sub> a<sub>2</sub>gu<sub>2</sub>dsí<sub>2</sub> né<sub>3</sub>, a<sub>2</sub>qui<sub>1</sub>é'<sub>2</sub> 'nia'<sub>2</sub> a<sub>2</sub>cuë'<sub>54</sub>  
 ti<sub>1</sub> 'mag'<sub>4</sub> Diú<sub>4</sub> jui<sub>5</sub> të<sub>2</sub>'au'<sub>2</sub> 'nia'<sub>2</sub>. <sup>17</sup> Jui<sub>1</sub>'e<sub>2</sub> gué<sub>3</sub> a<sub>2</sub>jmó'<sub>2</sub>, o<sub>3</sub>  
 'e<sub>2</sub> jág<sub>1</sub> dsí<sub>1</sub> 'nia'<sub>2</sub>, jmo<sub>4</sub> 'nia'<sub>2</sub> ca<sub>2</sub>le<sub>3</sub>jě<sub>3</sub> o<sub>4</sub>quió'<sub>4</sub> Te<sub>1</sub>gui'<sub>54</sub>  
 Jesús, qui<sub>1</sub>cuë'<sub>54</sub> 'nia'<sub>2</sub> ti<sub>1</sub> 'mag'<sub>4</sub> Diú<sub>4</sub> Jmei<sub>2</sub> jniog<sub>4</sub> le<sub>3</sub>quió'<sub>5</sub>  
 'éi<sub>2</sub>.

A<sub>2</sub>ca<sub>2</sub>tín<sub>2</sub> dsa<sub>2</sub> quián<sub>5</sub> Cristo jmo<sub>3</sub> quiain'<sub>54</sub> riin'<sub>54</sub>

<sup>18</sup> 'Nia'<sub>2</sub> dsa<sub>2</sub> mí<sub>2</sub> i<sub>2</sub>chan<sub>2</sub> dsi<sub>2</sub>i<sub>2</sub>gu<sub>2</sub>, tión'<sub>2</sub> 'nia'<sub>2</sub> 'éi'<sub>3</sub> quió'<sub>5</sub>  
 dsa<sub>2</sub> ŋe'<sub>2</sub> quiáng'<sub>2</sub>, jui<sub>1</sub>lia'<sub>2</sub> dsi<sub>2</sub>ten<sub>54</sub> ia<sub>1</sub> líng'<sub>5</sub> dsa<sub>2</sub> 'én<sub>2</sub>  
 le<sub>3</sub>quió'<sub>5</sub> Te<sub>1</sub>gui'<sub>54</sub>. <sup>19</sup> 'Nia'<sub>2</sub> guë'<sub>2</sub> dsa<sub>2</sub> ŋe'<sub>2</sub> i<sub>2</sub>chan<sub>2</sub> dsa<sub>2</sub>  
 mí<sub>2</sub> quián<sub>5</sub>, jme<sub>1</sub>'nió<sub>4</sub> 'nia'<sub>2</sub> dsa<sub>2</sub> mí<sub>2</sub> quiáng'<sub>2</sub>, tsá<sub>3</sub> jmo'<sub>2</sub>  
 'nia'<sub>2</sub> 'ua'<sub>2</sub> 'au'<sub>2</sub> ja<sub>1</sub>coin<sub>2</sub>. <sup>20</sup> 'Nia'<sub>2</sub> chi'<sub>2</sub>-guein<sub>2</sub>, nei<sub>2</sub> 'nia'<sub>2</sub>  
 gau<sub>2</sub> jág<sub>1</sub> quió'<sub>5</sub> chog'<sub>2</sub>-ŋéi'<sub>5</sub> jě<sub>4</sub> le<sub>3</sub>jě<sub>3</sub>, ia<sub>1</sub> a<sub>2</sub>ně<sub>5</sub> bá<sub>4</sub> të<sub>5</sub>  
 dsí<sub>5</sub> Te<sub>1</sub>gui'<sub>54</sub>. <sup>21</sup> 'Nia'<sub>2</sub> guë'<sub>2</sub> né<sub>3</sub>, jmei<sub>2</sub> chi'<sub>2</sub>, tsá<sub>3</sub> tó'<sub>2</sub>  
 'nia'<sub>2</sub> 'nei<sub>2</sub> dsí<sub>5</sub> chi'<sub>2</sub>-guein<sub>2</sub> quián'<sub>2</sub> 'nia'<sub>2</sub>, ia<sub>1</sub>jaun<sub>2</sub> tsá<sub>3</sub>  
 jén<sub>2</sub> dsí<sub>5</sub>. <sup>22</sup> 'Nia'<sub>2</sub> dsa<sub>2</sub> i<sub>2</sub>jme<sub>2</sub>ti<sub>3</sub> ne<sub>4</sub> dsa<sub>2</sub>, jme<sub>1</sub>ti<sub>1</sub> 'nia'<sub>2</sub>  
 ca<sub>2</sub>le<sub>3</sub>jě<sub>3</sub> 'e<sub>2</sub> ta<sub>1</sub> ti<sub>2</sub>néi'<sub>2</sub> juig'<sub>2</sub> i<sub>2</sub>lín<sub>5</sub> juig'<sub>2</sub> të<sub>2</sub>le<sub>3</sub> ne<sub>4</sub> gua'<sub>54</sub>  
 'uë<sub>3</sub> la<sub>2</sub>, on<sub>3</sub>jua'<sub>54</sub> jmá'<sub>3</sub> jme<sub>1</sub>jág<sub>5</sub> ia<sub>1</sub>jaun<sub>2</sub> të<sub>3</sub>tsin'<sub>54</sub> 'nia'<sub>2</sub>  
 dse<sub>3</sub> quiain'<sub>54</sub>, la<sub>1</sub> jmo<sub>4</sub> bá<sub>4</sub> jui<sub>5</sub> të<sub>2</sub>'au'<sub>2</sub> a<sub>2</sub>tí<sub>5</sub> të<sub>3</sub>dsón'<sub>2</sub>,  
 ia<sub>1</sub> të<sub>2</sub>le<sub>3</sub> a<sub>2</sub>gang'<sub>3</sub> Te<sub>1</sub>gui'<sub>54</sub>. <sup>23</sup> Jui<sub>1</sub>'e<sub>2</sub> gué<sub>3</sub> caun<sub>2</sub> a<sub>2</sub>jmó'<sub>2</sub>  
 'nia'<sub>2</sub>, jmo<sub>4</sub> 'nia'<sub>2</sub> a<sub>2</sub>'ŋio<sub>2</sub> 'au'<sub>2</sub> co<sub>2</sub>'nió'<sub>4</sub> a<sub>2</sub>jmo'<sub>2</sub> ta<sub>1</sub> le<sub>3</sub>quió'<sub>5</sub>  
 Te<sub>1</sub>gui'<sub>54</sub>, on<sub>3</sub>jua'<sub>54</sub> le<sub>3</sub>quió'<sub>5</sub> dsa<sub>2</sub>. <sup>24</sup> Ia<sub>1</sub> ma<sub>2</sub>ŋi'<sub>54</sub> bá<sub>4</sub> 'nia'<sub>2</sub>,

† 3:14 'Nio'<sub>2</sub> ja<sub>1</sub>ton<sub>5</sub> 1 Corintios 13:13. ‡ 3:15 o<sub>3</sub>, “quió'<sub>5</sub> Diú<sub>4</sub>.”

Te<sub>1</sub>gui'<sub>54</sub> bá<sub>4</sub> cuë<sub>3</sub> 'liang'<sub>54</sub> a<sub>2</sub>ma<sub>2</sub>lé<sub>5</sub> jág<sub>1</sub> ca<sub>2</sub>tín'<sub>2</sub>. Ia<sub>1</sub> ne<sub>4</sub>  
Te<sub>1</sub>gui'<sub>54</sub> Cristo jme<sub>2</sub>tí'<sub>1</sub> 'nia'<sub>2</sub> ta<sub>1</sub>. <sup>25</sup> La<sub>1</sub> jui<sub>1</sub>lia'<sub>2</sub> i<sub>2</sub>jmo<sub>5</sub>-  
dsáu<sub>5</sub> a<sub>2</sub>'lig'<sub>54</sub>, gue<sub>3</sub> bá<sub>4</sub> 'liain'<sub>54</sub> lia'<sub>2</sub> con'<sub>2</sub> lé<sub>5</sub> 'lig'<sub>54</sub> a<sub>2</sub>jmo<sub>23</sub>.  
Ia<sub>1</sub> tsá<sub>3</sub> jma<sub>3</sub>quén<sub>5</sub> jín<sub>2</sub> Diú<sub>4</sub> le<sub>2</sub>jan<sub>2</sub> le<sub>2</sub>jan<sub>2</sub> dsa<sub>2</sub>.

## 4

<sup>1</sup> 'Nia'<sub>2</sub> dsa<sub>2</sub> i<sub>2</sub>lín'<sub>5</sub> juig'<sub>54</sub> quián<sub>5</sub> dsa<sub>2</sub>, ca<sub>2</sub>tín'<sub>2</sub> 'nia'<sub>2</sub>  
jmó'<sub>2</sub> lia'<sub>2</sub> con'<sub>2</sub> dsi<sub>2</sub>ten<sub>54</sub>, 'i'<sub>54</sub> jág<sub>1</sub> 'nia'<sub>2</sub> quiang'<sub>54</sub> dsa<sub>2</sub>  
i<sub>2</sub>qui<sub>2</sub>jme<sub>2</sub>ti<sub>3</sub> ne'<sub>54</sub>. Jui<sub>1</sub>dsiog'<sub>2</sub> bá<sub>4</sub> 'au'<sub>2</sub> 'nia'<sub>2</sub> a<sub>2</sub>chan<sub>2</sub> jan<sub>2</sub>  
Juig'<sub>2</sub> 'nia'<sub>2</sub> ján<sub>3</sub> i<sub>2</sub>guá<sub>5</sub> guei'<sub>54</sub> i<sub>2</sub>juíg<sub>3</sub>.

<sup>2</sup> Caun<sub>2</sub> chi<sub>2</sub>len'<sub>4</sub> 'nia'<sub>2</sub> Diú<sub>4</sub> a<sub>2</sub>léi<sub>4</sub> rë<sub>2</sub>jnio<sub>4</sub> ne'<sub>54</sub> 'nia'<sub>2</sub>,  
cuë'<sub>54</sub> ti<sub>1</sub>'mag'<sub>4</sub>. <sup>3</sup> Mi<sub>4</sub> 'nia'<sub>2</sub> ne<sub>4</sub> Diú<sub>4</sub> o<sub>4</sub>quián<sub>2</sub> jnia'<sub>54</sub> ján<sub>3</sub>,  
ia<sub>1</sub>jaun<sub>2</sub> bá<sub>4</sub> cuë<sub>3</sub> Te<sub>1</sub>gui'<sub>54</sub> jui<sub>5</sub> rë<sub>2</sub>na<sub>4</sub> jnia'<sub>54</sub> ia<sub>1</sub>jaun<sub>2</sub> lé<sub>2</sub>  
le<sub>3</sub>qui<sub>1</sub>'é<sub>4</sub> jág<sub>1</sub> dse<sub>3</sub> a<sub>2</sub>qui<sub>1</sub>chei<sub>54</sub> jnia'<sub>54</sub> dsa<sub>2</sub> jág<sub>1</sub> a<sub>2</sub>rë<sub>2</sub>'ma<sub>4</sub>  
quió'<sub>5</sub> Cristo; 'uig'<sub>54</sub> jág<sub>1</sub> në<sub>5</sub> bá<sub>4</sub> 'eng'<sub>54</sub> rë<sub>2</sub>jni<sub>5</sub>. <sup>4</sup> Chi<sub>2</sub>len'<sub>4</sub>  
'nia'<sub>2</sub> Diú<sub>4</sub> ia<sub>1</sub>jaun<sub>2</sub> lé<sub>2</sub> le<sub>3</sub>'é<sub>4</sub> lia'<sub>2</sub> qui<sub>2</sub>rë<sub>2</sub>jiá<sub>3</sub> jág<sub>1</sub> lia'<sub>2</sub> con'<sub>2</sub>  
dsi<sub>2</sub>ten<sub>54</sub> jmo<sub>54</sub>.

<sup>5</sup> Tián'<sub>2</sub> 'nia'<sub>2</sub> 'en'<sub>54</sub> 'au'<sub>2</sub> jmo<sub>4</sub> quian'<sub>54</sub> jui<sub>1</sub>lia'<sub>2</sub> dsa<sub>2</sub> i<sub>2</sub>tsá<sub>3</sub>  
'én<sub>2</sub>, 'ñio'<sub>4</sub> 'nia'<sub>2</sub> jmo<sub>4</sub> a<sub>2</sub>dse<sub>3</sub> jë<sub>1</sub>cuin<sub>5</sub> jmig<sub>4</sub>. <sup>6</sup> Jág<sub>1</sub> a<sub>2</sub>dsia'<sub>2</sub>  
'nia'<sub>2</sub> co<sub>2</sub>tan<sub>54</sub> bá<sub>4</sub> ca<sub>2</sub>tín'<sub>2</sub> 'nia'<sub>2</sub> dsiá'<sub>1</sub> a<sub>2</sub>'ua<sub>1</sub> 'au'<sub>2</sub>, jág<sub>1</sub>  
a<sub>2</sub>'ñio<sub>2</sub> dsi<sub>5</sub> a<sub>2</sub>ja<sub>2</sub> mi<sub>2</sub>juig<sub>2</sub>. Ca<sub>2</sub>tín'<sub>2</sub> 'nia'<sub>2</sub> ján<sub>3</sub> le<sub>3</sub>ñi'<sub>54</sub> 'a<sub>2</sub> lia'<sub>2</sub>  
qui<sub>1</sub>jein'<sub>4</sub> jág<sub>1</sub> ja<sub>1</sub>con<sub>2</sub> le<sub>2</sub>jan<sub>2</sub> le<sub>2</sub>jan<sub>2</sub> dsa<sub>2</sub>.

*Cuag*<sub>23</sub> Diú<sub>4</sub> jë<sub>1</sub>ca<sub>2</sub>tó'<sub>2</sub>

<sup>7</sup> Tíquico rin'<sub>54</sub> jniog<sub>4</sub> i<sub>2</sub>'nióg<sub>3</sub> gué<sub>4</sub> lín<sub>3</sub>, i<sub>2</sub>ma<sub>2</sub>jás<sub>5</sub> jme<sub>2</sub>'o<sub>54</sub>  
qui<sub>2</sub>rë<sub>2</sub>ti'<sub>54</sub>, jme<sub>2</sub>ti<sub>3</sub> quian'<sub>54</sub> jniá<sub>2</sub> ne<sub>4</sub> Te<sub>1</sub>gui'<sub>54</sub>, 'éi<sub>2</sub> bá<sub>4</sub>  
dsia<sub>3</sub> ca<sub>2</sub>le<sub>3</sub>jé<sub>3</sub> 'a<sub>2</sub> lia'<sub>2</sub> lé<sub>5</sub> chang<sub>2</sub>. <sup>8</sup> 'Uig'<sub>54</sub> jaun<sub>2</sub> tsín<sub>2</sub> jniá<sub>2</sub>  
ja<sub>1</sub>con'<sub>2</sub> 'nia'<sub>2</sub> ia<sub>1</sub>jaun<sub>2</sub> dsia<sub>3</sub> 'a<sub>2</sub> lia'<sub>2</sub> chong<sub>2</sub> jnia'<sub>54</sub> ja<sub>1</sub>lá<sub>3</sub>,  
ton'<sub>2</sub> ia<sub>1</sub>jaun<sub>2</sub> cué'<sub>3</sub> 'nia'<sub>2</sub> lián'<sub>2</sub>; <sup>9</sup> quiaín'<sub>54</sub> Onésimo né<sub>3</sub>,  
jan<sub>2</sub> rin'<sub>54</sub> jniog<sub>4</sub> i<sub>2</sub>rë<sub>2</sub>ti'<sub>54</sub>, i<sub>2</sub>lín<sub>5</sub> jan<sub>2</sub> i<sub>2</sub>quian'<sub>4</sub> 'nia'<sub>2</sub>: i<sub>2</sub>në<sub>5</sub>  
bá<sub>4</sub> dsia<sub>3</sub> ca<sub>2</sub>le<sub>3</sub>jé<sub>3</sub> 'e<sub>2</sub> niog<sub>5</sub> lé<sub>2</sub> ja<sub>1</sub>lá<sub>3</sub>.

<sup>10</sup> Aristarco, i<sub>2</sub>quiong'<sup>54</sup> jniá'<sub>2</sub> né'<sub>3</sub> má'<sub>3</sub>, dsiáin'<sub>2</sub> jág'<sub>1</sub> a<sub>2</sub>cuin<sub>23</sub> Diú'<sub>4</sub> 'nia'<sub>2</sub>, ján'<sub>3</sub> bá'<sub>4</sub> le<sub>2</sub>jaun<sub>2</sub> Marcos, i<sub>2</sub>lín'<sub>5</sub> chi'<sub>2</sub> rin'<sub>54</sub>\* Bernabé. Të<sub>2</sub>le<sub>3</sub> quió'<sub>5</sub> Marcos 'éi'<sub>2</sub> né'<sub>3</sub>, ma<sub>2</sub>gue'<sub>54</sub> bá'<sub>4</sub> 'nia'<sub>2</sub> jág'<sub>1</sub> 'a<sub>2</sub> lia'<sub>2</sub> jmó'<sub>2</sub>; në<sub>1</sub>jua'<sub>2</sub> ca<sub>2</sub>dsióg<sub>3</sub> dsi<sub>1</sub>jiin<sub>12</sub> 'nia'<sub>2</sub>, guein<sub>54</sub> bá'<sub>4</sub> 'nia'<sub>2</sub> dse<sub>3</sub>. <sup>11</sup> Ján'<sub>3</sub> bá'<sub>4</sub> cuag<sub>5</sub> Diú'<sub>4</sub> i<sub>2</sub>chen<sub>2</sub> Jesús i<sub>2</sub>té'<sub>2</sub> dsa<sub>2</sub> Justo ján'<sub>3</sub>. Jnia'<sub>54</sub> lia'<sub>2</sub> i<sub>2</sub>në<sub>5</sub> bá'<sub>4</sub> lín'<sub>5</sub> i<sub>2</sub>ún<sub>2</sub> tan<sub>54</sub> i<sub>2</sub>rë<sub>2</sub>uing<sub>4</sub> quió'<sub>5</sub>, i<sub>2</sub>jmo<sub>5</sub> ta<sub>1</sub> quian'<sub>54</sub> jniá'<sub>2</sub> o<sub>4</sub>quió'<sub>4</sub> ja<sub>1</sub>gon<sub>2</sub> Diú'<sub>4</sub>, i<sub>2</sub>ma<sub>2</sub>ja<sub>2</sub>lén<sub>2</sub> jmo<sub>5</sub> lián'<sub>2</sub> dsi<sub>3</sub>. <sup>12</sup> Epafras né'<sub>3</sub> jan<sub>2</sub> i<sub>2</sub>lín'<sub>5</sub> rín'<sub>2</sub> 'nia'<sub>2</sub>, dsiáin'<sub>2</sub> jág'<sub>1</sub> a<sub>2</sub>cuin<sub>23</sub> Diú'<sub>4</sub> 'nia'<sub>2</sub>, jan<sub>2</sub> rin'<sub>54</sub> i<sub>2</sub>jme<sub>2</sub>ti<sub>3</sub> ne<sub>4</sub> Cristo Jesús. Co<sub>2</sub>tan<sub>54</sub> bá'<sub>4</sub> chi<sub>2</sub>lén'<sub>2</sub> 'éi'<sub>2</sub> Diú'<sub>4</sub> 'ñio<sub>5</sub> lín<sub>3</sub> o<sub>4</sub>quián'<sub>2</sub> 'nia'<sub>2</sub>, ia<sub>1</sub>jaun<sub>2</sub> tón'<sub>2</sub> 'nia'<sub>2</sub> rë<sub>2</sub>'ñiag'<sub>5</sub>, 'ei<sub>5</sub> caun<sub>2</sub> jág'<sub>1</sub> 'nia'<sub>2</sub> jë<sub>4</sub> ca<sub>2</sub>le<sub>3</sub>jé<sub>3</sub> 'a<sub>2</sub> lia'<sub>2</sub> 'ñio<sub>2</sub> dsí'<sub>5</sub> Diú'<sub>4</sub>. <sup>13</sup> Lé<sub>2</sub> jáng'<sub>4</sub> jniá'<sub>2</sub> jág'<sub>1</sub> dsau<sub>5</sub> 'a<sub>2</sub> lia'<sub>2</sub> ma<sub>2</sub>já'<sub>5</sub> 'éi'<sub>2</sub> dsan<sub>2</sub> dsí'<sub>5</sub> 'nia'<sub>2</sub>, ján'<sub>3</sub> bá'<sub>4</sub> le<sub>2</sub>jaun<sub>2</sub> o<sub>4</sub>quió'<sub>4</sub> i<sub>2</sub>tián'<sub>5</sub> juig<sub>2</sub> Laodicea quian'<sub>54</sub> guë'<sub>2</sub> i<sub>2</sub>tián'<sub>5</sub> Hierápolis ján'<sub>3</sub>. <sup>14</sup> Lucas, i<sub>2</sub>lín'<sub>5</sub> të<sub>5</sub>mí'<sub>5</sub> i<sub>2</sub>nió'<sub>4</sub> gué'<sub>4</sub> lín<sub>3</sub>, cuin<sub>23</sub> Diú'<sub>4</sub> 'nia'<sub>2</sub>; ján'<sub>3</sub> guë'<sub>2</sub> le<sub>2</sub>jaun<sub>2</sub> i<sub>2</sub>té'<sub>2</sub> Demas. <sup>15</sup> Cuin<sub>54</sub> 'nia'<sub>2</sub> Diú'<sub>4</sub> rin'<sub>54</sub> i<sub>2</sub>tián'<sub>5</sub> juig<sub>2</sub> Laodicea. Cuin<sub>54</sub> 'nia'<sub>2</sub> Diú'<sub>4</sub> ján'<sub>3</sub> 'io<sub>54</sub> Ninfas, quian'<sub>54</sub> co<sub>2</sub>nió'<sub>3</sub> guá'<sub>5</sub> i<sub>2</sub>ñi'<sub>2</sub> dsi<sub>2</sub>néi'<sub>2</sub> quió'<sub>5</sub> né'<sub>3</sub>. <sup>16</sup> Jë<sub>1</sub>ma<sub>2</sub>ca<sub>2</sub>'í'<sub>2</sub> 'nia'<sub>2</sub> si<sub>2</sub> la<sub>2</sub> jë<sub>4</sub> quián'<sub>2</sub> 'nia'<sub>2</sub>, jaun<sub>2</sub> tsing'<sub>54</sub> 'nia'<sub>2</sub> guá'<sub>5</sub> chan<sub>2</sub> Laodicea ia<sub>1</sub>jaun<sub>2</sub> 'i<sub>3</sub> táng<sub>3</sub> rin'<sub>54</sub> jniog<sub>4</sub> ja<sub>1</sub>jaun<sub>2</sub>; ton'<sub>2</sub> ján'<sub>3</sub> guë'<sub>2</sub> 'í'<sub>2</sub> 'nia'<sub>2</sub> si<sub>2</sub> a<sub>2</sub>ca<sub>2</sub>dsióg<sub>3</sub> ne<sub>4</sub> i<sub>2</sub>chan<sub>2</sub> Laodicea. <sup>17</sup> A<sub>2</sub>la<sub>2</sub> chei'<sub>54</sub> Arquipo: “Tion'<sub>2</sub> 'ne<sub>2</sub> jui<sub>5</sub> ta<sub>1</sub> a<sub>2</sub>ma<sub>2</sub>gue'<sub>54</sub> a<sub>2</sub>ma<sub>2</sub>dsia<sub>3</sub> Te<sub>1</sub>gui'<sub>54</sub> gog'<sub>2</sub>, a<sub>2</sub>jme<sub>1</sub>ti'<sub>4</sub> rë<sub>2</sub>.”

<sup>18</sup> Jniá'<sub>2</sub> Pa<sub>4</sub>, cuíng<sub>5</sub> Diú'<sub>4</sub> 'nia'<sub>2</sub> quian'<sub>54</sub> letra quió'<sub>3</sub> 'ñió<sub>3</sub>.† Jui<sub>1</sub>dsiog'<sub>2</sub> bá'<sub>4</sub> 'au'<sub>2</sub> 'nia'<sub>2</sub> a<sub>2</sub>'eng<sub>54</sub> rë<sub>2</sub>jníg<sub>5</sub>. Jui<sub>1</sub>jme<sub>2</sub>gu'<sub>54</sub> bá'<sub>4</sub> Diú'<sub>4</sub> 'nia'<sub>2</sub>.  
Co<sub>2</sub>në<sub>5</sub>.

\* 4:10 o<sub>3</sub>, “primo.” † 4:18 'Nio'<sub>2</sub> ja<sub>1</sub>ton<sub>5</sub> 1 Corintios 16:21; Gálatas 6:11; 2 Tesalonicenses 3:17; Filemón 19.

Jag<sub>1</sub> 'mí<sub>2</sub> a<sub>2</sub>ma<sub>2</sub>li' <sub>54</sub> quian' <sub>54</sub> Diu<sub>4</sub>  
 New Testament in Chinantec, Tepetotutla (MX:cnt:Chinantec,  
 Tepetotutla)

copyright © 1994 Wycliffe Bible Translators, Inc.

Language: Chinantec, Tepetotutla

Translation by: Wycliffe Bible Translators, Inc.

Chinanteco, Tepetotutla [cnt], Mexico

### Copyright Information

© 1994, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Tepetotutla

### © 1994, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 14 Jun 2022 from source files dated 30 Nov 2021

5c52af9e-3086-5d57-9b7e-2e495fea8899